



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cursus Theologiæ Polemicæ Universæ

Pichler, Vitus

Augustæ Vindelicorum, Anno MDCCXIII.

Art. IV. An vera Christi Ecclesia necessariò sit infallibilis?

urn:nbn:de:hbz:466:1-39374

nus est collectio & dispositio characterum. Et sicut Christus credebatur quoad Divinitatem ab Apostolis, videbatur quoad Humanitatem. R. 3 N. M. Potest enim id ipsum, quod scitur, credi; sic enim Philosophi credunt Deum, quem tamen sciunt existere; ita, quamvis vera Christi Ecclesia, etiam quia vera est & Christi, videretur, ut de ea evidenter constaret; ut aliqui volunt, tamen possent adhuc credi.

Dices. Forma essentialis Ecclesie est vera fides: sed illa est invisibilis: ergo Ecclesia est invisibilis. R. Retorq.

argum. Forma essentialis hominis est anima: sed anima est invisibilis: ergo homo est invisibilis. Hem sophisma! In præmissis sermo est de parte constitutiva verorum fidelium, consequenter Ecclesie, in conclusione sermo est de tota Ecclesia: sunt igitur iterum quatuor termini. *Fides* est quidem forma denominans fidem, non tamen est tota denominatio, seu totus *fidelis*, multò minus congregatio fidelium; sed ad hoc requiruntur etiam homines visibles, fidem profitentes, Sacramentis iuncti utentes.

ARTICULUS IV.

An vera Christi Ecclesia necessario sit infallibilis?

SUMMARIUM.

1. 2. *Status questionis.*
3. *Ex eius decisione pender summa rei.*
4. *Quid Gerardus tricetum circa statum questionis.*
5. *Ecclesia Christi haec tenet nunquam erravit in rebus fidei.*
6. *Nec errare potest unquam, ut Scriptura S.*
7. *Symbolum Apostolicum.*
8. *Conimur sensus fidelium, & SS. PP.*
9. *Ipsa Lutherus.*
10. *Et clara ratio irrefragabiliter docet.*
11. *Furilis quorundam exceptio.*
12. *Trimembbris objectio Lomeri quaeritur complectitur mendacia.*
13. *Promissiones de Ecclesia infallibilitate non sunt conditionatae.*
14. *Neque facta sunt Ecclesia Invisibilis.*
15. *Neque Ecclesia Romana est Particularis sub omniratione.*
16. *Neque ex errore voluntatis recte infertur error intellectualis totius Ecclesie.*
17. *Neque Catholicci faciunt circulum virtutum probando infallibilitatem Ecclesie.*
18. *Bene tamen Lutberani in resolutione magis dicit.*

Sciens

Sciendum 1. Questionem procedere
Sce 1. de Ecclesia Christi Militante.
2. De Ecclesia tota, Catholica, seu
Universali; nam Ecclesiam Particula-
rem qualemcumque errare posse, nec
dissententur Catholici. 3. De Ecclesia
visibili complectente tam peccatores
quam justos; cum enim Ecclesia vera,
in hoc mundo adhuc militans, necessa-
ritudo sit visibilis, omnésque fideles ve-
ram Christi fidem profientes comple-
ctantur, ut patet ex dictis, non potest
esse sermo de Ecclesia invisibili &
ca-
tu Sanctorum tantum. Et sane si dum-
taxat invisibilis Ecclesia foret infallibilis,
nemo posset esse certus, an in sua
fide non erraret, quia nemo sciret, ut-
rum prorsus idem crederet, quod cre-
dit Ecclesia, cum nesciret, ubinam hac
latet, quinam essent verē credentes,
& consequenter quidnam crederent.
Atque sic ipse sibi suis esset Doctor,
interpres Scripturæ, & Papa: quivis
autem homo in particulari est mendax,
& falli potest. 4. Nominis totius Ec-
clesiae intelligi vel omnes omnino fide-
les cum suo Capite, vel omnes Episco-
pos cum Episcopo & Pontifice summo in Concilio Generali congregatos,
ita ut, quidquid tenent omnes fideles,
vel omnes Pastores (quod enim docent
omnes Episcopi), sentire quoque de-
bent fideles ceteri, cum teneantur op-
ves sequi suos Pastores) tanquam de
fide, illud revera de fide sit. In pō
nomine Ecclesia intelligi posse solum
summum Ponit. Cathedra do-
minicalia iuxta ea, que dixi in Papatu
nunquam errante, specialiter art. 8. &
dicam infra c. 4. art. 3.

Sciendum 2. Questionem solummo-

do esse in hoc, utrum in rebus fidei,
& ad mores pertinentibus, Ecclesia sit
infallibilis? Siquidem fatemur Eccle-
siam errare posse 1. in decidendis que-
stionibus factis particularis, à Deo non
specialiter revelati, & non connexi ne-
cessariò cum questionibus juris. 2.

In ijs, qua solum incidenter dicuntur
in Decretis fidei & morum, ut sunt
argumenta & rationes, & qua premi-
tuntur sententiae definitiva. 3. Pa-
pam probabiliter etiam errare posse in
rebus fidei, ut est Doctor & homo pri-
vatus nec loquens ex Cathedra.

Sciendum 3. ex decisione hujus que-
stionis pendere summam rei. Si enim
vera Christi Ecclesia necessariò sit in-
fallibilis, eo ipso sequitur 1. Illam Ec-
clesiam, quæ aliquando fuit vera, ad-
huc esse, & semper fore veram: Ro-
mana autem saltem olim primis seculis,
& saltem tempore D. Pauli, fuit vera,
ut fatentur Sectarij. 2. Omnes articu-
los, quos tenet Ecclesia, esse veros,
oppolitos autem esse hereticos. 3. In-
genti compendio complanari omnes
fidei contoversias, cum Sectarijs agi-
tas, nec alia re opus esse, quam ex
notis vera Ecclesie inquirere, quanam
ex omnibus sit vera Christi Ecclesia.
Quod nos statim præstabilitus, post
quam ejus infallibilitatem satis demon-
strata in tuto collocauerimus.

Sciendum 4. Sectarios tergiversati
inutiliter circa statum questionis: nam
Gerardus in LL. Theol. de Ecclesia c. 9.
ait 1. Ecclesiam totam seu Catholica-
cam non quidem ita errare posse, ut
non saltem pauci, siue occulti, sint
verē credentes, licet ministerium publi-
cum

cum ubique sit corruptum per omnes Ecclesias Particulares visibiles. 2. Facit discrimen inter articulos fidei fundamentales & non fundamentales; in his omnino totam, in ijs vero solum Particulares Ecclesias visibiles errare contendit. Verum contra primum pugnat articulus praecedens de perpetua Ecclesie visibilitate. Contra alterum ea, quae diximus in materia de Indifferentismo. Et quiso, quis non videt angustias, & diram singendi necessitatem apud Adversarios? Qua fronte dicunt, & quo fundamento, quod aliqui saltem in fidei fundamento persistant, corrupro ubique publico Verbi ministerio, & per sonante ubique falsa doctrina? Quomodo tam audacter assertunt, tales existere, cum tamē occulti sint, & nemo eos videre possit? Quare Spiritus S. non potius aliquos publice ab erroribus immunes conseruet? Quare cogat hos latibularios ad aliam exterius fidem profundendam, quam tenent exterius? Nunquid hypocrite, quales sumisti, non sunt vera membra Ecclesiae juxta Sectarios?

Dico 1. Vera Christi Ecclesia haec tenuis nunquam erravit in definientis fidei articulis, & formandis morum decretis, scilicet definiendo falsum, vel praecipiendo vitium, aut prohibendo virtutem. Probatur 1. negative; quia Adversarij (quod tamen ipsis tanquam accusatoribus incumbit) non possunt ostendere errorem, non proferre articulum illum fidei, qui olim creditus, posse vero repudiatus sit. Id quidem verum est, quod nūc aliqui articuli explicitè credantur, qui olim crede-

bantur solum implicitè; eò quod successu temporis, & oboris controversijs, aliqua clare decisa ac definita sint, quæ prius vel in Scriptura S. vel in Traditionibus solum obscurè continebantur: quod minime obest puritatē fidei. Neque possunt Adversarij nominare locum, tempus, Concilia, Pontifices &c. qui errorem in rebus fidicauit morum decretis Universæ Ecclesie propulsissent, ut constat partim ex ijs, quæ dicta sunt in *'Papatu nunquam errante'*, partim constabit hic ex solutione objectionum. Posse autem Ecclesiam errare circa questiones facti & historiarum, quæ non inveniunt errorem circa fidei articulos & morum decreta, nemō negat, cum id Ecclesie non interficit. Probatur 2. Ecclesia non potest errare: ergo hactenus nunquam erravit. Ant. probbo, &c.

Dico 2. Vera Christi Ecclesia non potest errare in rebus fidei, & morum decretis pro Universa Ecclesia factis. Seu, est absolute infallibilis. Probatetur 1. ex Scriptura S. ex qua Adversarij omnia sibi volunt probari. Christus ipse de sua Ecclesia dixit: *Porta inferiora prævalebunt adversus eam.* Mat. 16. v. 18. *Spiritus Veritatis docebit vos omnem veritatem.* Jo. 16. v. 13. *Rogabo Patrem, & alium Paraclitum dabit vobis, ut maneat vobiscum in aeternum, Spiritum Veritatis.* Jo. 14. v. 16. *Hie vos docebit omnia, & suggeriet vobis omnia, quæcumque dixerim vobis.* v. 26. *Ego vobiscum sum usque ad confirmationem seculorum.* Mat. 28. *Ego rogavi pro te, ut non deficitas fiducia,* Luc. 22. v. 32. Similes pro mis-

fones jam in Veteri Testamento factæ sunt Ecclesiæ, uti Isa. 54. v. 4. *Noli timere, quia non confundēris, neque erubesceris.* Atqui si Ecclesia posset errare in rebus fidei &c. tunc prævaleret in se nus adversus eam, non doceretur omnem veritatem, Spiritus S. & Christus ipsam desereret, confunderetur, & erubesceret &c. ergo.

Confirmatur 1. Christus est Caput Ecclesiæ, & Sponsus illius; item Ecclesia regitur à Spiritu S. tanquam ab anima & Doctore veritatis: ergo Ecclesia habet utriusque infallibilem assistentiam, ita ut in errorem circa res fidei incidere nequeat; si enim erraret, error imputaretur Christo & Spiritui S. Ant. prob. *Vir caput est mulieris, sicut Christus Caput est Ecclesiæ.* Eph. 5. v. 23. *Unum Corpus & unus Spiritus.* Eph. 4. v. 4. *Ille vos docebit omnia &c.* Jo. 14. Respondebat Gerardus, ex hoc sequi, singulos fideles ab omni errandi periculo immunes esse; cum Christus sit Sponsus cuiuslibet animæ fidelis, & quivis verè fidelis regatur à Spiritu S. Sed negatur sequela; quæ virtutem trahitum à sensu composito ad divinum, à collectivo ad distributivum; nam promissio absoluta non est facta singulis fidelibus, sed toti Ecclesiæ; neque ex lapsum singulorum sequitur, nullam amplius dari veram Religionem in Mondo, & consequenter Deum frustrari suo fine, scilicet gloriâ extirpescâ, quam operando ad extra necessariò debet intendere: quod tamen malum sequeretur ex lapsu totius Ecclesiæ. An putas, recte sic inferri à sensu collectivo ad distributivum: tota Respublica Poli-

tica accepit jus gladij à Deo: ergo etiam singuli cives? Negabis utique consequiam. Ceterum non omnis verè fidelis hoc ipso est Sponsa Christi, aut specialiter regitur à Spiritu S. quod tamen supponit Gerardus, cum ex dictis constet, etiam peccatores posse esse verè fideles: ad hoc autem, ut aliquis dicatur Sponsa Christi, debet esse specialiter dilectus: peccatores autem non sunt specialiter dilecti, cum odio sint Deo impius & impietas ejus. Sap. 14. v. 9.

Confirmatur 2. ex Apostolo, qui 1. Tim. 3. v. 15. ait: *Hec tibi scribo &c. ut scias, quomodo opere te in Domo Dei conversari, que est Ecclesia Dei vivi, columna & firmamentum Veritatis:* ergo Ecclesia est columnæ & firmamentum veritatis: sed columnæ & firmamentum indicant claram firmam constantiam in veritate: ergo. Respondebat Gerardus & alij Lutherani 1. hic per Eccleiam intelligi Ecclesiam Ephesinam, que fuit Particularis: Particulares autem singulas errare posse, nemō negat. 2. Ecclesia est columnæ & firmamentum veritatis non *active*, quasi ipsa fulciat veritatem, sed *passive*, quia fulcitur & sustentatur à Veritate, quæ Christus est. 3. Neque columnæ semper durant, sed quandoque corrunt, si senescunt: ergo. Sed vana haec sunt esingia. Nam 1. Paulus loquitur indistincte de Ecclesia Dei, quæ est *Dominus Dei*: atqui Dominus Dei est Ecclesia tota & Universalis: ergo de ista loquitur, sicutem principaliter. Nec oblitus, quod Thimotheus fuerit in Ecclesia particulari Ephesinæ; nam qui est

in

in Ecclesia particulari, est etiam in Universali; cum particularis sit pars Ecclesiae Universalis: sicut qui est in cubiculo, est etiam in domo. 2. Ecclesia est columna veritatis tam activè quam passivè; activè, quatenus firmat, & sustinet fideles in veritate; passivè, quatenus ipsa firmatur & sustentatur à Christo in veritate, si velimus juxta phrasim Adversariorum loqui. Ceterum est valde inpropria locutio & inusitata, si columna accipiat passivè; quis enim columnam vocat columnam pavimenti, quia sustentatur & fulcitur à pavimento? 3. Non negamus, etiam Ecclesiam aliquando delituram, sed non ante finem mundi; cùm enim venerit, quod perfectum est, evanescatur, quod ex parte est. 1. Cor. 13. v. 10. Stulte autem negare, quod Ecclesia sit columna veritatis, ex eo, quia cum Mundo pariter Ecclesia Militans cessabit.

7. Probatur 2. ex Symbolo Apostolico, in quo credimus sanctam Ecclesiam Catholicam: atque iste articulus omni temporis momento à temporibus Apostolorum usque ad finem mundi (Nota, & rem apprehende, omni tempore momento) debet esse verus; quod enim semel est de fide, semper est de fide, & Verbum Dei manet in aeternum: ergo vera Christi Ecclesia semper, & omni tempore momento, debet esse sancta: atqui desineret esse sancta, si vel semel incideret in errores, haereses, idolatriam &c. qua sceleris ipsi impiè impingunt Seclarum: ergo nunquam potest in eis incidere, aut aliquid docere, quod non sit sanctum, quoad fiduci doctrinam aut morum præcepta.

R. P. Pichler Theol. Polemica.

Probatur 3. ex communi sensu &c. constanti persuasione fideliū, & i. quidem SS. Patrum, qui in questionibus fidei controversis provocare consueverunt ad Ecclesiam, ut Augustinus l. contra epist. fundam. c. 5. *Evangelio non credorem, nisi me Catholica Ecclesia commoveret auctoritas: Cyprianus l. de unit. Ecel. mihi pag. 254. Adulterari non potest Sponsa Christi.* Sic & alij sentierunt. 2. Summorum Pontificum, & Conciliorum, quorum decisio propterea semper fuit implorata & data, ut per eorum auctoritatem infallibilem dignoscetur veritas ab erroribus. 3. SS. Martyrum, qui proptermodum innumeri per singula secula maluerunt omnia pari, quam in minimo puncto deserere doctrinam Ecclesiae Universalis. 3. Pissimum Imperatorum, qui hereticos ideo persequebantur, quia judicium suum privatum nolebant subjecere iudicio Ecclesiae Universalis, & ab hac defecerant. 5. Infinitorum prop̄ Sanctorum, qui flouerunt etiam miraculis, & prodigiosa vita sanctimoniam; simul tamen omnes erant obsequientissimi Ecclesiae; nec apicum ullum ex articulis ab Ecclesia propoitis negare ausi. 6. Denique etiam Seclariorum, qui vel infallibilitatem Ecclesie faceri debent, vel coguntur admittere, se sine sufficienti ratione & per summiā improbitatem tumultuosissime contra Ecclesiam, ac ab ea defecisse; si enim Ecclesia Universalis non est infallibilis, multò minus Particularis erit infallibilis: atqui ipsiusmet faciunt, suas Ecclesias non esse nisi Particulares. Quid igitur opus fuit tantis

A 2 2 tumulti-

tumultibus, tot bellis, tanta sanguinis effusione, tot rapinis &c. ut pro Ecclesia fallibili introduceretur alia & quæ, imo magis fallibilis?

9. Confirmatur ex propria confessione Lutheri, qui in tract. de veteri vera Ecclesia dicit: *Ecclesia nec debet, nec potest mendacia & errores docere, ne in unico quidem articulo &c. & qui posset aliud fieri, cum os Dei sit os Ecclesia?* Item: *Deus non potest mentiri, ita nec Ecclesia.* Et in litteris ad Albertum Ducem Brandenburg. circa presentiam Corporis Christi in Eucharistia ita scribit: *Quod testimonium totius Ecclesia, etiam si nihil amplius haberemus, debet nobis solum sufficere, ut in hoc articulo permaneamus.* Quod autem alibi docuerit oppositum, scio, scilicet in Postilla Eccles. Dom. i. post Epiph. at simul scio, Lutherum hoc pacto, sibi contradixisse, & consequenter alterutra vice necessario docuisse falsum. Videant nunc Lutherani, quam veracein sequantur Prophetam, & quam tuta sit doctrina, quam in suo quinto Evangelista laudant, cum vitam laudare nequeant.

10. Probarur 4. ex ratione. Si Ecclesia potest errare in rebus fidei, tunc nulla amplius habebitur infallibilis & sufficiens regula fidei, nec poterit quidquam firmissime credi: sed hoc nec Adversarij admittere possunt aut volunt, cum sic tolleretur omnis fides Divina, ad salutem necessaria: ergo. M. prob. Sine declaratione & auctoritate Ecclesiae nullus fidei articulus infallibilitate & sufficienter nobis innotescit: ergo si Ecclesia in proponendis fi-

dei articulis potest errare, non amplius habebitur sufficiens & infallibilis regula fidei. Ant. prob. Sine declaratione & auctoritate Ecclesiae non innotescit nobis certò & infallibiliter, an & quanam Scriptura sit purum Dei Verbum, an & quanam Traditiones sint Divinae & Apostolicae: atqui sine Scriptura & Traditionibus nullus potest articulus fidei nobis certò & infallibiliter innotescere; cum omnes articuli fidei continentur in Scriptura S. & Traditionibus: ergo. M. prob. quia per se non est evidens, an & quanam Scriptura sit Divina, incorrupta &c. ergo debet constare aliunde: atqui convincens & infallibile testimonium ac. indicium certum non potest afferri, ex quo hinc probentur, nisi testimonium & auctoritas Ecclesiae, ut patet tum per se, tum ex thesibus nostris de *Lutheranismo confiteranter errante in primis fidei principijs*, tum ex disputatis luperū de Scriptura S.

Respondent aliqui, Ecclesiam esse ^{II.} quidem infallibilem in iis, quæ sunt necessaria ad salutem; in alijs autem errare posse. Sed contra est 1. Omnia; quæ declarantur ab Ecclesia tanquam articuli fidei, sunt necessariò credenda saltem implicitè ab omnibus, nihilque sine iactura aeterna salutis negari potest: ergo impossibile est eam errare in illa re fidei quacunque. 2. Si Adversarij loquantur de rebus, sine quibus absolute nequit obrintri salus, & iis, quæ sunt necessariò credenda necessitate medijs, tunc Ecclesia potest errare in propounder Scriptum Sacra utriusque Testamenti, cum sine fide de Scripturis Sacris multi fuerint salvati, antequam sacre litteræ

litteræ conserberentur, uti in Lege Naturæ, aut quibus Evangelium Christi solum prædicatum, & de ulla Scriptura mentio nulla est facta. Atqui hoc non possunt admittere Adversarij, quia sic omnes fidei articuli revocari possent in dubium; cum Scriptura, ex qua tanquam unica apud iplos credendorum regula omnes articuli dependent, ac probati debent, utique sit juxta Adversarios ex ijs, quia necessariò credenda sunt, necessitate medijs.

12. Ob. ulterius 1. Ecclesia Universalis juxta nos est Romana: sed Ecclesia Romana jam sepius erravit in statuendis fidei articulis: ergo. Mi. probat Lomerus ex Apolog. Aug. Conf. in seismen Banier p. 139. ubi sequentes illi errores impingit. 1. Quod Romano-Catholici requirant ad fiduciam bona opera, quibus mereantur remissionem peccatorum, nec solum fidei tribuant justificationem, qui tamen articulus fidei est præcipuus. 2. Quod dicant, Sacramenta conferre gratiam ex opere operato sine fide. 3. Quod invocent Sanctos tanquam Mediatores loco Christi. Idem Lomerus in seiner fort. gesetzten Abfertigung à p. 7. ex Georgio Nitschio, & alio quodam Levvis Baily Anglo ostendere conatur, in 25. punctis fundamentalibus modernam Ecclesiam Romanam recessisse à doctrina antiquæ Ecclesie Romanae, in sola epist ad Rom. à D. Paulo expressa. Ergo.

R. N. m. in ejus probatione trimembri sint: quatuor mendacia & calumnia; nam 1. Romano - Catholici non docent, se per sua opera mereri (*de condigno*; nam de hoc merito lis est)

remissionem peccatorum, seu primam gratiam sanctificantem, per quam sic formaliter remissio peccatorum; sed hoc dicunt, hominem in gratia sanctificante ex meritis Christi jam constitutum, & gratia iustificatum, mereri *de condigno* per sua opera bona *augmentum* gratia sanctificantis, vitam æternam, & *augmentum* gloriae, seu *vita eterna*. Trid. sess. 6. Can. 32. 2. Non excludunt fidem ad fructuofam susceptionem Sacramentorum in adul-
tis, fedetiam inter dispositiones prævias sufficiens volunt eam esse primam: imo dicunt, fidem præsupponi ad ceteros actus supernaturales tanquam principium vita spiritualis: hoc tantum docent, fidem solam non sufficere ad justificationem & ad salutem, nec solam esse sufficientem dispositionem ad fru-
ctuose suscipienda Sacramenta. 3. Non invocant Sanctos tanquam Mediatores inter Deum & hominem, saltem ut immediatos & principales. 4. Nec loco Christi; sed invocant etiam ipsum Christum, & quidem principaliter, & tanquam Mediatorem & Auxiliatorem, Sanctos vero invocant tanquam Intercessores & Patronos, ac Mediatores a-pud Mediatorem Christum. Alterum, quod additur, quasi Ecclesia Romana moderna in 25. punctis recellerit à doctrina à D. Paulo expressa in ep. ad Rom. falsissimum est, nec Lutheranorum & Calvinistarum glossa, ac interpretatione epistole ad Rom. sufficit ad faciendam hunc accusationi auctoritatem; ut istote qui non sunt legitimi interpretes Scripturæ, multò minus judicet Ecclesia, à qua perfidè defecerunt re-

belles filij: quibus Ecclesiam erroris accusantibus si credendum, nec Ecclesia primava, & Apostolorum temporibus, ab errore immunis credenda fuit, utpote ab haereticis v. g. Nicolaitis, Simone Mago, Arianis &c. semper accusata. Ecclesia Particularis non debet judicare Universalem, & putare, quod epistolam D. Pauli ad Rom. melius intelligat. Imo ex hoc ipso, quod Lutherani in 25. punctis dissident ab Universali Ecclesia, totidem erroribus circa hanc epistolam ipsi convincuntur esse obnoxii.

13. Ob. 2. Promissiones, quibus Ecclesia promittitur perpetua infallibilitas, sunt solum conditionata, si nempe Ecclesia adhaerit semper Verbo Dei, & ritè tractaverit S. Scripturam, si sancte vixerit &c. juxta illud: *Oves mea vocem meam audierunt. Jo. 10. v. 27. Scrutamini Scripturas. Jo. 5. v. 39. Habent Moysen & Prophetas, audiant illos. Luc. 16. v. 19. Superadiscitat super fundamentum Apostolorum & Prophetarum. Eph. 2. v. 20. Item Jo. 8. v. 31. Si vos manseritis in sermone meo, verè discipuli mei eritis.* Atqui potest contingere, & saepius jam contigit, ut Ecclesia non adhaeret Verbo Dei scripto, sed ei aduersetur: ergo potest contingere, ut erret. Ita potissimum iterum M. Lomer in seiner *Saurbrunnen*: *Cur p. 251. cum & ex alijs passim.*

R. N. M. N. m. & N. C. Si promissiones, Ecclesia facta, essent solum *conditionalia*, & subintelligeretur (nam explicite nulla in textibus supra recitatis addita est, excepto ultimo, qui ramen longè aliter intelligendus est) hæc

tacita conditio, si adhaerit Verbo Dei, sequeretur 1. Christum suæ Ecclesiæ nihil promisisse, quia etiam Turca vel Haereticus non errat tunc, quando & si adhaeret Verbo Dei. 2. Christum lepidè illusisse suæ Ecclesiæ, haud alter, ac cyngari solent, hujusmodi vaticinijs plebem ludentes: *Wann du lang lebst wirst du alt: halb du vil Geld, bis du reich;* nam Christi promissiones haberent hunc sensum: *Ecclesia non errabit, quamdui rectam viam tenebit: non cadet, quamdui stabili: puram tradet doctrinam, si eam non deseruerit &c.* Hoc ipsum est in questione, utrum Deus possit permittere, & quidem vi sue promissionis, ut Ecclesia deserat puram doctrinam, S. Scripturam male intelligat, aliquid falsi contra Verbum Dei (scriptum, vel non scriptum) doceat. Et hoc prilegium concilium esse roti Ecclesiæ Universalis, nulli autem Particulari, multò nimis homini privato, contendimus, & absolute promissum, solidè probavimus nostris argumentis. 3. Sequeretur, nihil omnino posse tuto & sine formidine credi, etiam si antiquis Concilij & primitiva Ecclesia sic definitum, quia certum non esset, utrum Parres Concilij adhaerent Verbo Dei. Deinde formo hoc dilemma. Vel Christus deserit Ecclesiam prius, vel prius deseritur ab Ecclesia? Non deserit prius, quia hoc repugnat ejus promissioni; etiam si hæc tantum conditionata foret: non prius deseritur ab Ecclesia, quia repugnat, Ecclesiam errare, quamdui regitur à Christo. Textus, quos recitat M. Lomer, non sunt

ad rem, ut consideranti pater, nec ullam exprimunt conditionem. Ultimus, quem adducunt alii, exprimit quidem conditionem, sed ibi non est sermo de Ecclesia Universa, sed solum de quibusdam Iudaicis credentibus, neque sermo est de veritate doctrinæ, sed de morum probitate, quam in suis dilectis Discipulis exigit Christus.

14. Dices 1. Promissiones non sunt factæ Ecclesiæ visibili, sed invisibili Sanctorum. 2. Licet Ecclesiæ visibili essent factæ, tamen posset errare, modò in errore non persistere, quia sic dia bolus eam non vineceret. R. Ad 1. patet ex suprà dictis, ubi rejecimus divisionem Ecclesiæ in Visibilem & Invisibilem, & ubi probavimus, Ecclesiam semper esse necessariè visibilem. Deinde non possunt textus, ex quibus probavimus infallibilitatem Ecclesiæ, intelligi de Ecclesia Invisibili, ut consideranti patebit. Ad 2. Utique vinceretur Ecclesia, si in unico fidei articulo erraret; cum utique urbem vincat, qui eam expugnat in unico loco, licet expugnatam rufus amittat.

15. Dices 2. Si aliqua Ecclesia VISIBLES est Universalis, tunc esset Romana: sed Romana non est Universalis, sed Particularis: ergo nulla Ecclesia VISIBLES est Universalis: ergo nec infallibilis, consequenter nec Romana erit. R. N. m. vel D. Ecclesia Romana, quatenus complectitur fideles certi districtus, nempe Romani, non est Universalis, sicut Ecclesia Augustana v. g. qui complectitur fideles tantum Augustanæ Dicēsis, non est Universalis. C. m. quatenus est diffusa per totum orbem, &

quatenus habet dominatum in omnes alias Ecclesiæ, utpote habens pro Episcopo Christi Vicarium, D. Petri Successorem, Pastorem Universalem, cui omnes Christi oves credita sunt. N. m. Ceterum latibularia & invisibilis Ecclesia, ad quam identidem se recipere coguntur velut ad latebras fugitivi Scæci, prorsus ridicula est, & meritò cuiilibet prudenti suspecta. Nec facile mihi aliquid videtur magis prima fronte absurdum, quam Ecclesiam Invisibilem à Christo fundatam esse pro hominibus, qui nil nisi dependenter à sensibus cognoscere possint.

Dices 3. Intellectus non est firmior voluntate: sed voluntas omnium fidelium, consequenter Universalis Ecclesia, potest errare, & in gravissima peccata prolabi: ergo & intellectus potest errare, nimis circa res fidei. R. 1. N. M. nam intellectui promissa est infallibilitas in fide, non autem voluntati immutabilitas in virtute. Petro enim dictum est: rogavi pro te, ut non deficiat fides tua; non autem dictum est: ut non deficiat charitas tua &c. 2. N. Mi. nam rotæ & Universalis Ecclesia nunquam labi potest in peccata, ita ut nullos omnino habeat amplius sanctos: nam Ecclesia semper debet esse sancta juxta Symbolum Apostolicum, etiam in membris saltem aliquibus; quippe doctrina sancta, qualis est in vera Ecclesia, non potest esse sine fructu. *Omnis enim arbor bona bonos fructus facit*, Mat. 7. Licet igitur singuli possint labi in peccata gravia, nunquam tantum omnes.

Ob. 3. & principaliter. Catholici pro-

17.

probant infallibilitatem Ecclesiae ex Scripturis, & vicissim Scripturas alibi probant ex infallibilitate Ecclesiae, hos vel illos libros pro Canonicis & Divinis declarantis: sed hoc modo itur in circulum, & probatur idem per idem, a. per b. & b. per a. ergo. p. 1. N. 1. membrum Ma. quippe non unicè probant infallibilitatem Ecclesiae ex Scripturis, sed etiam ex communī fidelium sensu, & ex ratione, ut vidimus suprà. p. 2. Dist. 1. membrum Ma. probant infallibilitatem Ecclesiae ex Scripturis contra Hæreticos, & illos, qui independenter ab auctoritate Ecclesiae admittunt Scripturas. C. Ma. contra Gentiles, & alios, qui Scripturas aliunde non admittunt. N. M. & dist. Mi. sed hoc modo itur in circulum, si infallibilitas Ecclesiae probetur ex Scripturis contra eos, qui aliunde & independenter ab auctoritate Ecclesiae Scripturas non admittunt. C. Mi. contra eos, qui aliunde admittunt, uti sunt Lutherani, & alij Sectarij, contra quos agimus. N. Mi. & Cont. Cum enim contra illos non sit necesse probare Scripturas per Ecclesiam definientis infallibilitatem, utpote qui illas aliunde admittunt sponte sua, tantum probatur infallibilitas Ecclesiae ex Scripturis, non autem vicissim Scriptura ex infallibilitate Ecclesiae. Contra alios autem, qui Scripturas aliunde non admittunt, uti Gentiles, Pagani &c. non probant Catholicam infallibilitatem Ecclesiae ex Scripturis, sed ex ratione, postquam ex signis veræ Ecclesiae ipsis sufficienter probarunt suam Ecclesiam esse veram Religionem, inde enim recte deducitur, cam in proponendis articulis fiduci

falli non posse, eo ipso, quod sit vera Religio, à Deo profecta, & gubernata; si enim erraret, hoc ipso vera non esset, nec eis dogmata à Deo. Unde ~

R. 3. Dist. 2. membrum M. Scripturas probant per infallibilitatem Ecclesiae, aliunde tamen cognitam, quam ex Scripturis, C. non aliunde cognitam, sed primum ex Scripturis cognoscendam. N. M. Infallibilitas Ecclesiae sufficienter probatur per notas vera Ecclesiae, & per motiva credibilitatis, uti sunt potentia, sapientia, & sanctitas Christi, mirabilis propagatio doctrinæ Christi valde ardua, innumera & maxima prodiga ac miracula, conformitas fidelium in articulis fidei, sanctitas tum doctrinæ tum morum, antiquitas, diffusio per totum orbem, testimonium virorum innumerabilium scientijs & virtutibus clarissimorum, etiam inter atrocissimos dolores vitam & sanguinem pro hujus Ecclesiae veritate passim prodigantium &c. Certe si Apostoli ferè per solā miracula satis probarunt Mundo, & nostris Adversarijs, eorum doctrinam esse infallibilem; cur non per hanc ipsa, & per reliqua insuper ligna, protinus illustria sufficienter probent Catholici independenter à Scripturis, suam Ecclesiam esse veram, & consequenter infallibilem?

Longè majori jure Adversarijs objicitur circulus vicious, quem committunt in sua credendi ratione, & resolutione sua fidei. Si enim interrogentur, quare credant, hanc Scripturam esse Divinam, & purum Dei Verbum? Ultimato denique respondent, id sibi

cora

constare ex interna Spiritus S. testificatione: ut patet ex meo *Lutheranismo* constantem errante, & ex dictis de Scriptura S. si rursus interrogentur, unde constet ipsis, hanc internam testificationem esse Spiritus S. & non potius spiritum privatum & dictamen erroneum? Reponunt, id sibi constare ex Scriptura, quæ Jo. 10. v. 27. dicit: *Ques mee vocem meam audiunt.* En Scripturam S. probant ex in-

terna Spiritus S. testificatione, & hanc vicissim ex Scriptura S. quod formaliter est ire in circulum, ex quo numquam se extricabunt, nisi agnoverint infallibilem Ecclesiam auctoritatem, quam quandiu repudiant, tamdiu fides ipsorum ficta niterit Spiritus S. testificatione, inquit spiritu privato, humano, erroneo: & sic non erit nisi fides humana, incerta, dubia, fallibilis, erroris.

ARTICULUS V.

Ex hac tenus disputatis evidenter deducitur, veram Christi Ecclesiam esse non posse Lutheranam &c. sed Romanam.

SUMMARIUM.

- 1. *Quæ dicuntur de Lutheranis, applicari possunt omnibus Apostatis.*
- 2. *Quid intelligatur nomine Ecclesia Romane.*
- 3. 4. *Ecclesia Lutheranæ non fuit perpetua: ergo vera non est.*
- 5. *Nec fuit perpetuæ visibilis: ego vera non est.*
- 6. *Nec est infallibilis: ergo vera non est.*
- 7. *Ecclesia Romana vicissim, quia semper, & quidem visibilis, semperque infallibilis existit, vera est.*

Sciendum 1. Quamvis ordinatio tantum *Lutheranam* sectam directè & nominatim impugnemus, pleraque tamen tuum ex dictis tum ex dicendis facile applicari posse (& ferè mutato duntur nomine) omnibus alijs Apostatarum ab Ecclesia Romana cœribus, ut Calvinistarum, Zwingianorum, Arianorum recentium &c. cum sisdem sterneret, & Catholicos interfestare armis soleant, ac debent.

R. P. Pichler *Theol. Polemica.*

Sciendum 2. Per Ecclesiam Romanam intelligi illam, quæ communicat in fide cum Episcopo Romano, tanquam Christi Vicario, D. Petri Successore, & Pastore Universali. Ferè sicut Lutherani per Augustanam Confessionem intelligunt non modò illam doctrinam, quæ prædicatur in Urbe Augustana, verum etiam omnes illos, qui cum hac Augustana Confessionis doctrina & fidei Symbolo communicant, Confessio-

Bb

nistas